
Мактабларда ўтказилган “Оталар мажлиси” тадбирлари 15 минг нафардан зиёд оталарни қамраб олди

Учкўприк туманидаги 56 умумтаълим мактабида ўтказилган “Оталар мажлиси” тадбирлари 15 минг нафардан зиёд оталарни қамраб олди.

“Оталар мажлиси” тадбирларида туман ҳокимлиги масъуллари, мактабгача ва мактаб таълими бўлими ҳамда миллий гвардия вакиллари, маҳалла фуқаролар йиғинлари раислари, устозлар иштирок этиб, фарзанд таълим-тарбиясида оталар масъулиятини ошириш юзасидан ўз тавсияларини билдиришди.

Тадбирларда мактаб ва оила ҳамкорлигини мустаҳкамлаш, оталарнинг фарзанд тарбияси ва таълимидаги ўрни, мажбурияти ва масъулиятини ошириш, ўқувчиларнинг бўш вақтини мазмунли ташкиллаш, уларни касбга йўналтириш, ўқувчилар ўртасида жиноятчилик ва ҳуқуқбузарликларни олдини олиш каби муҳим масалаларга алоҳида эътибор қаратилди.

Шунингдек, оталар мактаб раҳбарлари ҳамда устозлар билан фарзандларининг тарбияси, таълими, давомати, мактаб формаси, касб танлаши, келгусидаги мақсадлари хусусида ўзаро фикр алмашишди.

2025-01-28 10:52:42